

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

Art. IV. Quem finem ultimum actu intendat ille qui venialiter peccat?

---

[urn:nbn:de:hbz:466:1-78232](#)

## ARTICULUS IV.

*Quem finem ultimum actu intendat ille qui venialiter peccat?*

A do ex deliberatione fit, est verē & propriē actio humana, ut supra ostendimus: Ergo illud habet aliquem finem ultimum, non solum formalem & in communī, scilicet rationem boni ut sic, sed etiam materialē & in particulari, seu rationem illam boni ut sic, ut determinatam & contractam ad aliquid bonum particulare, verum, vel apparenſ, subindeque vel ad Deum, vel ad creaturā.

Confirmatur: Omnis inclinatio semper tendit ad bonum proprium illius naturae à qua dimanat, & in qua radicatur, ut art. 2. fūsē declaravimus: Sed omnes actus voluntatis, qui sunt actuales ejus inclinations, in aliqua determinata natura radicantur, nempe in natura humana: Ergo illi non possunt tendere solum ad bonum satiativum ut sic, sed debent respicere determinativē bonum proprium talis naturae, seu illius suppositi, in quo illa existit, subindeque bonum aliquid particularē, verum, vel apparenſ.

Dico secundū, peccantem venialiter non habet pro fine positivē vel negativē ultimo creaturā illam quam inordinatē diligit, & quæ est objectum peccati venialis.

Prima pars hujus conclusionis, quoad finem ultimum positivē, manifesta videtur: nam peccans venialiter non amat bonum inordinatum circa quod peccat, v. g. inordinatam cibī aut ludi delectationem, ut bonum perfectum, & plenē satiativum, nec diligit illam appetitivē super omnia, neque omnia quæ appetit propter ipsam appetit, ut de se patet: Ergo eam non habet pro fine ultimo positivē.

Secunda pars, nempe quod nec tale bonum diligat aut respiciat ut ultimum finem negativē, facile potest ostendi contra Recentiores: Finis ultimus negativē dicitur ille qui ad finem ulteriorem non ordinatur, ut docent auctores hujus sententiae: Sed creatura illa, quam peccans venialiter inordinatē diligit, & quæ est objectum peccati venialis, saepe ordinatur ad finem ulteriorem, ut patet in eo qui suratur a se ad dandam elemosynam, vel qui dicit mendacium love ad salvandam vitam proximi: imo semper venialiter peccans refert objectum peccati venialis ad bonum proprium sui ipsius; cum omnis inclinatio tendat ad bonum proprium & perfectivum illius naturae à qua dimanat, & in qua radicatur, seu illius suppositi in quo talis natura existit, juxta dicta art. 2. Ergo creatura illa quæ est objectum peccati venialis, non est, nec esse potest finis ultimus, etiam negativē, peccantis venialiter.

Dico tertiu: Non potest absolutē concedi quod creatura aliqua sit finis simpliciter ultimus venialiter peccantis, etiam si ponamus quod talis finis sit res levius & parvi momenti.

Probatur breviter: Non potest absolutē concedi quod aliquis simul habeat duos fines simpliciter ultimos, ut ostendimus in tractatu de ultimo fine: At si ponamus quod creatura aliqua sit finis ultimus simpliciter justi venialiter peccantis, ille habebit duos ultimos fines simpliciter, nempe creaturam illam, & Deum, ad quem per habitum charitatis ut in fine ultimum simpliciter conversus est: Ergo secundū.

Confirmatur: Si peccans venialiter haberet creaturam absolutē & simpliciter pro fine ultimo, etiam si esset res levius & parvi momenti, peccaret mortaliter? Sed hoc dici nequit: Ergo ne illud. Sequela probatur: Si peccans venialiter haberet pro ultimo fine simpliciter aliquam

crea-

75. SUPPONENDUM est tanquam certum, quod venialiter peccans aliquem finem ultimum actualiter intendit. Ratio est, quia peccatum veniale, quando ex deliberatione fit, est verē & propriē actio humana; cùm verē demereamur per illud, & incurramus p̄niam, ac puniamur: Sed omnis actio humana est propter ultimum finem, seu ex motione alicuius finis ultimi procedit, ut docet D. Thomas supra quest. 2. art. 6. Ergo peccatum veniale, saltem quando fit cum deliberatione, actualiter habet aliquem ultimum finem.

Verū quinam sit ille finis, non levis est difficultas, nec parva inter Theologos controversia & dissensio. Aliqui existimant peccantem venialiter habere pro fine negativē ultimo sui actus creaturam illam quam inordinatē diligit; & quæ est objectum peccati venialis. Ita Vazquez supra disp. 5. cap. 2. Suarez disp. 3. lect. 4. Salas disp. 8. fecc. 4. & alii Recentiores communiter. Alii verò absolute concedunt, quod peccatum veniale habet pro fine ultimo creaturam; eo modo quo illam ponimus finem ultimum peccati mortalis, scilicet positivē & absolutē: hoc tamen inter peccantem mortaliter & venialiter distinſim statuant, quod creatura, quæ est ultimus finis peccati mortalis, est res gravis, & quæ potens est dissolvere amicitiam Dei, ac hominem à Deo avertire; res autem quæ est finis ultimus peccati venialis, est res levius, quæ non dissolvit Dei amicitiam, nec avertit hominem à Deo. Sententiam hanc referunt Montezino loco citato, & Medina supra quest. 1. in commentario art. 5. Alii tandem, ut ab hac gravi difficultate faciliter se expediant, assertur finem ultimum peccati venialis non esse in particulari determinatum ad aliquam rem, sed solum esse assignandum in communī, scilicet bonum satiativum appetitū, in quem omnes actiones sive bona, sive mala possunt actu referri. Neque hinc fit, iustum peccantem venialiter, plures ultimos fines habere: quia finis ille communis non ponit in numero cum particulari qui est Deus, neque omnino ab eo distinguitur, sed se habent sicut quæ & quod, & sicut abstractum & concretum, quæ non ponunt in numero, nec cententur absolute plura.

Pro resolutione hujus gravissimæ difficultatis, antequam veram stabiliamus & declaremus sententiam, tres ista breviter confundenda & refellenda sunt. Unde incipiendo ab ultima, quæ certe videtur probabilior.

76. Dico primū: Peccans venialiter non solum habet pro fine ultimo bonum in communī satiativum appetitū, sed etiam bonum aliquid determinatum & singulare, cui ratio illa communis boni ut sic applicatur.

Probatur breviter: Homo in omni operatione humana agit, saltem virtualiter, propter aliquem finem ultimum materialē, seu in particulari, verū vel apparentem, ut docuimus in tractatu de ultimo fine, & evidenti ratione demonstravimus: Sed peccatum veniale, quan-

Tom. III.

creaturam, averteretur à Deo ut ultimo fine; cùm A repugnet voluntatem simul esse conversam ad Deum, & ad creaturam, ut ad ultimos fines simpliciter: Sed illud peccatum quod avertit à Deo ut ultimo fine, & convertit ad creaturam ut ad finem ultimam simpliciter, mortale est, & non tantum veniale, ut patet ex dictis art. 1. exponendo pricipia inter peccatum mortale & actualis discrimina: Ergo si peccans venialiter, haberet aliquam creaturam pro ultimo fine simpliciter, peccaret mortaliter, & non tantum venialiter. Neque obstat quod creatura illa sit res Iesu & parvi momenti: hoc enim magis augere videtur quā minuere rationem offendit, quod scilicet Deum relinquamus pro tēbus minimi momenti. Unde ipse Ezechiel 13. de quibusdam pseudo-proprietatibus sic concludit: Violabant me ad populum meum, propter pagellum hordei, & fragmen B panis &c.

Dico ultimò, iustum venialiter peccantem respicere bonum propriū & privatum ut ultimum finem, non simpliciter & absoluē, sed secundū quid, & cum addito, nempe in ratione finis præcise actualis.

Prima pars patet ex supra dictis: cùm enim actus qui in homine iusto non imperantur à charitate, nos habeant aliud principium in quo aequaliter radicentur & fundentur, quā propria operantis naturam, non possunt habere alium finem in quem actualiter referantur, quā bonum propriū & perfectivum talis naturae, seu suppositi in quo illa existit; alias inclinatio non correspondet tuo principio radicali, seu principiu&m & terminus inclinationis non habent inter te proportionem, ut supra art. 2. dicebamus.

Quod verò tale bonum non sit finis simpliciter & absoluē ultimus, constat eriam ex dictis articulo precedentibus: nam ut ibi ostendimus, bonum propriū, prout terminat habitudinem venialis peccati, refertur habitaliter ad alium finem ulteriorem, scilicet ad Deum, modo ibidem explicato: Sed hoc sufficit ut ratio finis absoluē ei non conveniat; cùm finis simpliciter & absoluē ultimus, omne genus relationis ad alium ulteriorem excludat: Ergo in iusto venialiter peccante, bonum propriū & privatum non potest dici nec esse finis simpliciter & absoluē ultimus, sed cùm addito tam diminuente, nempe in ratione finis præcise actualis, seu per exclusionem duntaxat relationis actualis in alium, non exclusa habituali; quod est esse ultimum solū secundū quid: atque ita solus Deus, qui neque actualiter, neque habitualiter ordinatur ad aliud, potest dici finis simpliciter ultimus iusto venialiter peccantis.

83. Dices: Dato quod hæc conclusio verum habeat, quando peccans venialiter est in statu gratiae, & Deum habet pro ultimo fine, quid dicemus de illo qui est in statu peccati mortalis, & non habet Deum pro fine ultimo?

Respondeo quod iste etiam, dum venialiter peccat, non habet bonum privatum pro ultimo fine simpliciter, sed tantum secundū quid: quia ut supra art. 2. dicebamus, de ratione finis ultimi simpliciter est quod non solum præscindat ab ordine ad finem ulteriorem, sed etiam quod talem relationem positivè excludat; licet autem ille qui non est in statu gratiae, per peccatum mortale tendat in bonum privatum, ex-

cepitudo relationem ejus in Deum ut ultimum finem, tamen quando peccat venialiter, tendit in bonum propriū, præscindendo solum à tali relatione, non verò positivè excludendo illam, ut ibidem exposuimus. Unde licet peccans mortali, constituit in bono proprio & privato ultimum finem simpliciter, non tamen ille quod solum venialiter peccat.

Contra primam & tertiam conclusionem nullum militat argumentum alicujus ponderis. Sed contra secundam.

Objici potest cum Vazque loco citato: Pec- 84. cans venialiter fruuntur creaturā illā circa quam peccat, & qua est objectum peccati venialis: Sed fructus est tantum respectu ultimi finis, urdo-  
cet D. Thomas super qu. 11. art. 5. Ergo peccans venialiter, constituit ultimum finem in illa crea-  
tura quam inordinatè diligit, & qua est objectum peccati venialis. Minor patet. Major probatur  
Ex Augustino lib. 83. questionum quæst. 30. ubi assertor omnem humanam perversitatem in eo con-  
sistere, quod homo velit ut fruens, nempe Deo,  
& utendis frui, videlicet creaturis: Sed culpa ve-  
nialis non consistit in ulo fruendorum; ut enim  
Deo in ordine ad creaturam, esset perversitas  
mortalis: Ergo consistit in fruitione utendorum,  
nempe creaturarum.

Confirmatur: Non datur medium inter fru- 85.  
tionem & usum: Unde Augustinus ait quod  
Omnis qui amat aliquid, aut amat utens, aut  
fruens: Sed peccatum veniale non consistit in u-  
lo creaturam, quia ut fruens nullam dicit  
inordinationem: Ergo deberet consistere in illatum  
fruitione.

Ad objectionem respondeo negando Majo- 86.  
rem: nam ut ait D. Thomas h̄c quæst. 88. art. 1. ad  
3. Quod venialiter peccat, inheret bono temporali,  
non ut fruens, sed ut utens. Et qu. 7. de malo art. 1.  
ad 4. Qui peccat venialiter, non fruuntur creaturā,  
sed uititur eā. Ad probationem in contrarium, ex  
authoritate D. Augustini de sumptu, respondet  
idem Angelicus Doctor locis citatis, Augusti-  
num loquide perversitate qua est perfectum na-  
lum culpe, & peccatum mortale, & ideo eam  
non comprehendit sub eo nomine, veniale pec-  
catum, quod imperfectè duntaxat rationem culpe  
attinet, & analogice solum cum peccato morta-  
li convenit, ut art. 1. ostendimus. Idque factis  
denotat nomen perversitatis, quod propriè signi-  
ficat inversionem ordinis finium & mediorum, ita  
ut quod juxta rectum ordinem deberet esse finis,  
sit medium, & quod deberet esse medium, al-  
sumatur ut finis: veniale autem peccatum non de-  
struit neque invertit ordinem ad ultimum finem,  
sed servato illo ponit duntaxat deordinationem  
circa media: Ergo simpliciter & absoluē non de-  
bet dici perversitas.

Ad confirmationem dicendum inter fruicio- 87.  
nem & bonum sūmū dari aliquid medium, nem-  
pe usum malum & illicitum, qui propriè dici-  
tur abusus, in quo veniale peccatum consistit, ut  
docet S. Bonaventura in 2. dist. 42. art. 2. quæst. 1.  
his verbis: Si quæras quid sit peccatum veniale,  
utrum sit usus vel fructus: dicendum quod neque  
est usus, neque fructus, sed abusus. Vnde cùm  
Augustinus dicit, omnis qui amat aliquid, aut  
amat utens, aut fruens, accipit largè usum & frui-  
tionem, usum pro omni amore relato sive directe,  
vel indirecte, fruitionem pro amore non relata.  
Quæ doctrina ex ipso Augustino desumpta  
est

## DE PECCATO MORTALI ET VENIALI.

48,

est lib. de doctrina Christiana cap. 4, ubi præter A fruptionem & licitum usum, ponit usum illicitum, cumque abusum appellat. Quo etiam modolo quendi utitur S. Thomas 1, p. qu. 48. art. 6. & in 3. dist. 38. art. 1. & alibi.

Objicies secundò : Justus venialiter peccans 88. non amat objectum illius peccati propter Deum, alias diceretur peccare propter Deum, cùm propter id aliquis peccet, propter quod objectum peccaminosum amat : Ergo amat illud præcise propter ipsum, atque adeò ut finem saltē negatiū ultimum.

Respondeo peccantem venialiter neque amare objectum peccati propter ipsum, neque propter Deum, sed propter bonum proprium & privatū; cùm enī inclinatio tendat ad bonum B propriū & perfectivū illius naturæ à qua dimanat, & in qua radicatur, seu illius suppositi in quo talis natura existit, ut ex supra dictis patet : bonum autem proprium & privatū in peccatis venialiter, ordinatur habitualiter in Deum, modis supra explicatis. Nec propterea concedendum est illud quod inferrit, nempe justum peccare venialiter propter Deum, quia ly propter denotat influxum causæ finalis, qui non potest competere Deo in ordine ad peccatum veniale ; cùm non possit movere aut excitare moraliter voluntatem ad peccandum venialiter.

Objicies tertio contra ultimam conclusionem : Bonum quod habet rationem ultimi finis, est satiativum & adæquatum respectu voluntatis. Sed bonum proprium & privatū non est satiativum voluntatis justi venialiter peccantis, cùm præter illud per charitatem bonum superius & divinum appetat : Ergo bonum proprium non est finis ultimus justi venialiter peccantis.

Respondeo concessa Majori, negando Majorrem : nam bonum proprium est satiativum & adæquatum respectu voluntatis justi, non absolute, sed in suo ordine, nimirum ut appetentia ex inclinatione propria naturæ, appetitus enim qui fundatur in propria natura, in bono ipsius naturæ satiat: verumtamen quia justus ratione gratie habet alium superiorem appetitum, scilicet charitatem, quæ non satiatur nisi in bono omnino superiori & divino, bonum proprium dicitur adæquatum & satiativum tantum secundum quid, respectu voluntatis justi venialiter peccantis (subindeque finis eius ultimus non impliciter & absolute, sed secundum quid & cum addito, nempe in ratione finis præcise actualis) non quia non satiet totum appetitum, qui ad ipsum formaliter est, sed quia appetitus quem satiat, habet tuper se aliud superius, scilicet charitatem, cùi subordinatur, quæ bonum superius & divinum appetit.

### ARTICULUS V.

*Virum homo in statu iustitiae originalis existens, impotens esset peccandi venialiter, idque ab intrinseco, & ex vi doni integratatis? Et an idem etiam dicendum sit de Angelo?*

§. I.

*Quibusdam premisis referuntur sententiae.*

22. **SUPPONENDUM** est primò, seuporiū re-  
colendum ex dictis art. 1. §. I. peccatum va-

niale esse in triplici differentia : aliud ex genere, seu ex proprio materia & objecto, ut verbum otiosum : aliud ex parvitate materia, ut futurum rei exiguae: alterum ex imperfecta deliberatione, ut motus primò secundi concupiscentia, sicut ibili-  
tus expoluimus.

Supponendum secundò ex doctrina D. Tho-  
mas qu. 15. de verit. art. 2. communiter recepta,  
quod licet potentia intellectiva in homine non sit  
nisi unica, duo tamen diversa habet munera, at-  
que adeò est virtualiter multiplex, propter quod  
diversis nominibus signatur. Dicitur enim rati-  
o superior, quatenus speculatur vel consultat res  
æternas & increatas sibi superiores, nempe ratio-  
nem finis ultimi, divinam legem, divinam sapien-  
tiā, veritatem, & hujusmodi per quas cætera  
omnia, sive que agenda, sive credenda & tenen-  
da sunt, regulantur. Econtra vero dicitur ratio  
inferior, in quantum rebus temporalibus intendit,  
& circa eas tanquam circa propriam materiam oc-  
cupatur.

Supponendum tertio, duobus modis intelligi  
posse, aliquem carere potestate peccandi : primò ab intrinseco, ratione bona dispositionis interio-  
ris, & provenientis ab aliquo dono sibi inherente,  
ut contingit in beatis & confirmatis in gratia : se-  
cundò ab extrinseco, propter extrinsicum Dei fa-  
vorem & protectionem, seu à divina providentia  
præservante à peccato. His positis.

Circa propositam difficultatem quatuor repe-  
rito diversas Authorum sententias. Prima docet  
absolutè hominem in statu iustitiae originalis po-  
tuisse peccare venialiter. Ita Scotus in 2. dist. 21.  
qu. 1. Gabriel, Major, Altissidorensis, & alii.

Secunda, quæ est Almaini tract. 3. moral. cap.  
2. & 22. & Duvalii h̄c qu. 5. art. 5. fatur quidem non potuisse hominem in illo statu commi-  
tere aliquod peccatum veniale, quod esset tale ex  
subreptione, sive ex imperfectione deliberatione; al-  
beit tamen peccata venialia ex genere suo, aut ex  
parvitate materia, fuisse cum illo statu compo-  
sibilis.

Tertia impotentem agnoscit hominem, du-  
rante statu iustitiae originalis, ad omnia proslus  
peccata venialia; sed addit quod impossibilitas illa (alterum quantum ad peccata venialia ex ge-  
nere suo, vel ex parvitate materia) non prove-  
niebat ex vi præcise doni integratatis, sive iusti-  
tiae originalis, sed ex speciali tantum providen-  
tia & protectione, quâ à Deo impediatur ne  
peccaret venialiter. Ita Suarez tract. de peccatis  
disp. 2. lec. 7. Vazquez h̄c disp. 148. cap. 3. num.  
7. & Curiel. qu. 79. art. 3. dubio unico, pro hac  
sententia citans Melchiorum Canum 2. p. teles-  
tionis de sacramentis in genere.

Quarta sententia, quæ in schola Thomistarum  
communis est, docet hominem in statu iustitiae o-  
riginis nullius generis peccata venialia potuisse  
committere; talemque impeccabilitatem habu-  
isse ex vi præcise perfectionis iustitiae originalis, seu  
ex vi doni integratatis, perfecte subiectientis inferio-  
ra superioribus, id est appetitum sensitivum ratio-  
ni, & rationem inferiorem superiori, absqueulla  
speciali Dei manutententia, seu protectione.

P. pp. iii

§. I. 7.